

佛說弘道廣顯三昧經卷第一

西晉月氏三藏竺法護譯

得普智心品第一

聞如是一時佛遊王舍國鷲山之頂
與大比丘衆千二百五十人諸菩薩八
千人俱于時世尊廣為無數百千諸
衆而所圍繞敷演說法

今時有龍王名阿耨達

普賢無畏宿

造德本遵修菩薩堅住大乘行六度
無極以具滿相勤救衆生化道無極
曾事九十六億諸佛積累功德不可
編數執權方便普現五道拔諸愚冥
使修菩薩無欲之行懷慈四等濟度
一切傷惡罪類故現為龍化龍億數
使免殃行自處于池率諸眷屬八十
萬衆又將姝女十四萬人周匝導從
調作倡伎其音和雅乘龍感動協懷
威德神變自由賣衆雜花奉獻妙香
擎持幡蓋而詣世尊至輒稽首敬問
如來尋以所持香華雜寶繒綵幡蓋
重調音樂欣心敬意與衆眷屬及諸
姝女俱進詣佛則前長跪肅然叉手

而白佛言欲問如來無著平等宗旨
覺菩薩所應行道當云何唯蒙聽許
乃能敢問今時世尊告龍王曰恣汝
所問勿疑勿難所欲如來至真等正
覺當隨敷散解釋汝心

時阿耨達得為神尊所聽實疑心益
欣悅而白佛言天師寂尊人中聖導
猛如師子感變无量吾聞如來普及
衆生亦為菩薩大士之故為世師者
拔過俗法志行清淨明盡因緣濟度
群生作無請友心普安救誘育立之
執持元畏十種力進伏衆魔降諸外
道心無微行披堅金剛大德之鎧志
不有憊積德因緣不可計量施戒忍
進定智已備心等一切蠲除雜相棄
捐二見以越智度解因緣法已入深
奧難極之要去離聲聞緣一覺念不
捨大乘一切智心意行堅強常得自
在身淨无垢暉曜明徹志若虛空无
數諸劫意不憊者逮獲堪持降除貪
穢自大貢高等如逝者空无相願以
過如住夢幻影響野馬水月於斯諸
法等解不動重三寶教奉而敬之轉

廣顯三昧經第一卷第二品

其法輪而无所尋欣悅信樂皆自得
之如優曇花億世希出志靜安獨普
有具相宿樹恭恪明賢大士尊修上
義法住若此為彼正士故問如來

唯願如來至真等正覺解說菩薩大
士所行得遊法門入金剛德果達深
妙使其修應獲持場以四諦行順
化聲聞使解要真導衆緣覺靜起因
緣并以一心使等正覺欲達諸法當
入大乘曉入大乘能伏魔場散棄疑
結過度罪惱普知衆生意志所行積
聚辯達布演諸法隨一切願化示所
欲善哉世尊如來无著平等正覺廣
為賢明大士之故普弘演說使諸菩
薩得致智力降已自大得法上力曉
解央行不有所造使得施力所有無
惜惠不望報使得戒力等除衆罪而
過諸願使得忍力於諸苦法受生之
處身命无惜得精進力積衆德本忘
常无憊使得定力善寂居靜解定要
行使得慧力而過邪見疑冥昧昧曉
摧方便濟度衆生明了勸助具達五
通天眼无畏徹聽知心神足明宿以

廣顯三昧經第一卷第三品

此道樂果大辯才辯才句義无盡不
斷便得持持志無恍忽令速海印三
昧正定進隨普智果同一味得佛志
定習樂通行永常奉尊而无障蔽遠
法志定勉進定意長久聞法都无限
号崇樂志定普令一切奉不退眾得
施志定俗貨法施不有遺惜具足於
戒行念靜定使速得佛心而无忘昇
天志定常念兜述一生補處志樂菩
薩清高之行今時龍王質疑畢訖悅
心怡懌重以讚頌啓問世尊

大仁願說現世義 菩薩德行所當入
內性志操所應修 興發何道行云何
順導以慈行入悲 意以度眾護濟念
弘化定智使清淨 願垂哀傷而普說
誘眾止意及意斷 根力神足行如是
演道七覺散示眾 願說彼德所應奉
施調檢戒德具足 忍力普行及精進
慧志因緣轉无量 云何度彼眾說之
辯才通達勉愚冥 志行詳審常清淨
諸起生者即覺知 唯願為諸菩薩說
欣悅之德有敬豫 聖種七財是行軍
樂遊閑居及修靜 唯蒙慈尊廣度說

寶經三昧經第一卷 第四品

辯才行具云何得 深致持持永安住
弘法要說常无斷 聞轉奉行終不忘
寂滅清淨而行觀 覺意深遠智廣博
其慧難究德无邊 解行云何應菩薩
制持魔力與慈意 毀壞外道眾邪類
勇德難動若大山 月明至進弘說之
曉空無想性所在 解了野馬及幻法
夢想體像計皆无 唯願世尊指示說
於是世尊告龍王曰善哉善哉快甚
无比乃自發心啓疑如來今汝所問
承宿功德已顯大悲為眾志友不勞
生死弗斷三寶王之質疑用是故也
聞以諦聽受而思惟吾當廣說菩薩
大士應所修行彼此無限果取要法
時龍王言大善世尊願樂思聽聞轉
受行宣布十方勸進无倦

於是世尊答龍王曰有一法行菩薩
應者相好備具得諸佛法何謂為一
造起道意不捨眾生是謂一行致諸
佛法又有三十二事得普智心當勤
樂行專意守習何謂三十二御修內
性執上最志昇行大慈堅固大悲志
慈无厭發於精進仍具猛勵而德強

寶經三昧經第一卷 第五品

力又踰踰勢安靜无煩為眾忍任習
近善友專行法事執御權化施備忍
行樂於檢戒詣想已无滅斷偽倭言
行相應志存及復常有愧色內自慚
耻已調怡悅根行至信意而制御得
持功德志遠小道樂弘大乘行觀一
切三寶之事使其不斷是謂龍王三
十二法菩薩應此逮普智心

又復龍王有十六事進增普智顯力
弘軌何謂十六進普智耶施行眾濟
具戒无缺忍應調忍果上精進致定
諸行已具智慧信行志足供事如來
遊靜樂閑備六堅法有眾十善飾身
口意德具操行知足樂靜身三勸彼
修勝定觀諸德得備是謂十六行法
之事應相祥福演大智心顯持佛世
流化自由

又復龍王其普智心以二十二事而
除邪徑以其大乘志修普智何謂二十
二事行過聲聞緣一覺意已下貢高无
我自大消去諂事抑俗雜言遠棄非
戒拔惡慈根免却魔事除去蔽導不
章師訓耗滅罪除省已切惻不論彼

寶經三昧經第一卷 第六品

非習離惡友遠逆良善去非六度又
逝貪惜戒无不消已棄諍訟而離懈
怠於迷自正捨諸无知斷去無便却
去惡行是謂菩薩普智釋除二十二
邪軌速應摧慧永无懈退

又復龍王二十二踊事進順隨行得
普智心而不可當諸魔波旬及魔官
屬并與外道降而却之何謂二十二
踊過戒事踊過於定亦踊過智而過
慧行踊過摧化亦過大慈踊過大悲
以要言之過空相願我人壽命過離
衆見及發因緣過心自淨承覺神聖
過於識念應不應見過大金剛堅固
之行是謂龍王菩薩所行二十二踊
法致普智心一切衆魔及諸魔身并
邪外道不得自在无敢當者悉降却之
又復龍王其普智心依二行處致普
智心何謂為二如其所言修應行處
諸功德本觀道行處是謂二事普智
行處復有二事其普智心而不可毀
何謂二事在於衆生无增異心於諸
殃行濟以大悲是謂二事普智无毀
又復龍王其普智心有二重法而無

廣弘明教卷第三 第七十 欲

遠者生死之黨及衆聲聞并諸緣覺
无能勝踰何謂為二執權方便深行
智慧是為二事普智重法

又有二事休普智心何謂為二處毀
无疑滯結之心在在不安樂俗諸樂
是謂二事休普智心

復有二事護普智心何謂為二不志
聲聞緣覺行地觀觀大垂至美之德
是謂二事護普智心

復有二事妨普智心何謂為二志常
多倭內性懷詒是即二事妨普智心
復有二事不妨普智何謂為二專修
直信行于无諂是謂二事不妨普智

又有四事蓋普智心何謂為四數乱
正法於諸菩薩賢明達士亦不奉敬
常无恭敬不覺魔事是為四事蓋普
智心

復有四事於普智心而无其蓋何謂
為四護持正法謹恭受聽尊重菩薩
視若世尊常覺魔事是為四事普智
无蓋

又有五事致普智心何謂為五所行
无望於生死漏用戒德故不捨一切以

廣弘明教卷第三 第七十 欲

大悲故憎愛無二身命施故財利周
惠供事法故是為五事得致普智
復有五事進普智心何謂為五習善
知識不患生死志遠無益去非時心
求諸佛智是為五事進普智心

復有五事在普智心過諸聲聞緣覺
一覺念何謂為五過聲聞脫過緣覺
脫過衆智心過諸吾我又過習結是
為五事過諸行法

復有五事於普智心而有其悅何謂
為五悅過惡道悅害普智悅具覺慧
悅戒无厭悅解衆行是為五事普智
之悅

復有五事發普智心得五力助不溺
生死何謂為五無其慈恨用忍力故
能滿諸願用德力故降已自大以智
力故勤勢廣聞用慧力故過衆恐怯

无畏力故是為五事致諸助力
復有五事在普智心得五清淨何謂
為五體衆穢行淨諸隨者因緣諸根
无惑淨之隨順諸時以觀淨之行治
於等權道淨之一切諸法化轉淨之

是為五事普智清淨

廣弘明教卷第三 第七十 欲

復有五事得普智明何謂為五明解
无欲明已彼心明於五句明達慧行
明眼无碍是為五事致普智明

復有五事廣普智心何謂為五以其

五種五根五莖五枝五葉五花五果

何謂為五種曰修志修而淨内性等

觀人物求習脫行弘於權變是為五

種何謂五根以大慈悲德本无厭勸

進衆生使免小乘不志餘道是為五

根何謂五莖曉權方便慧度无極示

導人民護持正法等觀喜怒是為五

莖何謂五枝施度无極戒度无極忍

度无極進度无極定度无極是為五

枝何謂五葉樂進聞戒求處空靜常

志出家心安佛種所遊无碍是為五

葉何謂五花得文相具積滿德故衆

好繡備種種施故七覺財具心無雜

故致有顯辯不蔽法故深達持持聞

元忘故是為五花何謂五果昇致戒

果已得度果達緣覺果又得菩薩不

退轉果獲佛法果是曰五果斯謂龍

王菩薩七五三十五事廣普智樹道

寶行也修應之者得佛不難

廣顯三時經第一卷第十法

佛告龍王其有菩薩欲受持此普智

心樹深妙明顯要行句者當勤加習

普智寶樹如是龍王吾視一切諸法

功德莫不由斯寶樹與義諸發无上

正真道意悉皆因是普智寶樹至要

句也譬如龍王選植樹種知此已致

樹之根莖枝葉花果而甚盛茂也如

是龍王其有能受普智心種斯已得

致諸佛賢聖最上慧法三十七品是

故龍王欲入普智所行功德欲轉法

輪當受持此精修誦讀專心習行廣

為一切宣傳布演如是龍王勤受學

此當佛說斯普智心品法語之時諸龍

衆中七万二千皆發无上正真道意

龍王太子及諸姝女万四千人悉皆

速得柔順法忍五千菩薩承宿德本

悉得法忍時阿耨達并餘龍王及諸

眷屬自乘神力踊昇虚空與香之雲

忽便普布調和美香及末梅檀微雨

如來及衆會上又化琦妙珠交露蓋

遍覆王舍一國境界而悲歡悅於上

歌詠至真如來積祚巍巍聖德无量

列住雲日各現半身光文虛空一切

廣顯三時經第一卷第十法

衆會莫不見者也

清淨道品第二

於是龍王復白佛言甚未曾有唯然

世尊乃若如來博為衆生說道俗及

心普智心行德所應又唯世尊如來

无著平等正覺願演散說菩薩之行

修應清純明賢所由得道清淨使其

終已長久无垢不中有懈元榮弗退

至得十力四無所畏而得具足諸佛

之法今時世尊告阿耨達善哉龍王

勤思念行吾當廣說菩薩大士清淨

道品阿耨達曰甚善世尊幸蒙授教

唯願說之於時聖尊告龍王曰菩薩

行有八直正道當勤受持何謂為八

六度无極道思行之道得五通道行

四等道及八正道等衆生道三脫門

道入法忍道如此龍王是為菩薩八

正道何謂菩薩度無極道度无極

道者諸所布施勸彼普智何則然者

不以无勸施成普智其行勸助於德

本者斯得施度无極名目又及行戒

忍進定智亦以勸助彼普智心乃得

慧度无極名目是曰菩薩度無極道

廣顯三時經第一卷第十法

思行道者舍受衆生何則然者以彼菩薩演示法度菩薩行恩舍受一切覆以四恩廣為說法而使衆生順受戒化是四恩道神足道者觀諸佛土天眼徹視見衆一切生者終者又見十方諸佛世尊弟子圍繞悉見如是於諸佛土以其天眼應當所採而採受之又其天耳聽諸佛言聞報受行在於衆生及諸類人而皆明曉悉了知盡為隨說法得識宿命不忘前世所作功德又具神足遊過無數諸佛國土應以神足當得度者報和神足而度脫之是神足應道又何謂為四等行道其隨修淨梵志中者并及諸餘色像天子知彼意行隨順化日斯則慈悲是為喜護建立以道使彼應度此謂菩薩四等行道其八正道普患行之聲聞所由緣覺依因大乘亦然謂賢聖八直正道何謂心等諸衆生道當為此與不為是與為斯可說為此不應是有賢德此非福人斯為盡應此復不應行等菩薩盡降此意是謂心等諸衆生道何謂菩薩三

佛說弘道廣顯三昧經 卷第一 三昧經

脫門道得致以空斷諸妄見以其無相除衆念想應與不應以其無願永離三界是謂菩薩三脫門道何謂得致法忍之道受拜菩薩菩薩自覺行應於忍得為諸佛世尊所授授者無上正真道意是謂菩薩不起忍道菩薩致此八直正道和化流布權導無尋時佛說是八正道已二萬四千年龍及人悉逮應此八道行也若是龍王菩薩以此八直正道等塗一歸用無等故莫有能與菩薩比者亦无其侶獨步三界靜一心時修致慧行應當所得已自果之明達諸法而如本無斯謂如來是日龍王八正之道為彼一切凡諸若干衆生所行興種種說而此要說等同一向以无望說歸未至說也云何於此道清淨耶曰道无垢用無塵故是道无瑕本無念故是道无冥慧照明故是道无著本清淨故道常无生無所滅故道如永无本無有故道无漏穢三界淨故是道寂然過凡行故道无可至無有去故道元所來無從來故道恒无住

佛說弘道廣顯三昧經 卷第一 三昧經

過諸欲故道无所處過衆見故道无勝者過諸魔故道大和覆外道不及故道永離妄自大者故道无所容不修入故是道極遠用希望故道為永離過愚夫行故道可果致修行者故是道夷易樂勤行故道極平坦住正見故是道无妨修無毀故是道无尋等正行故是道无垢三毒淨故是道清淨終元著故是謂菩薩道之清淨若是菩薩於清淨道務進勤修又應行者彼於法性已悉清淨得淨我性亦以而過法性淨故則數性淨數性淨故元數性淨元數淨故得三界淨三界淨故眼識性淨眼識淨故意識性淨意識淨故得空性淨空性淨故諸法性淨用是淨故則諸法等淨如空空等淨故得衆生淨以諸淨故便元其二亦不著二無二淨故則道清淨以斯言之清淨道也彼无衆念亦不念道諸念悉淨若如泥洹於彼永無是謂无念應無所念无念道者亦无識念其道都元心意識行以此言之清淨道也說是清淨道品法時二万天

佛說弘道廣顯三昧經 卷第一 三昧經

人皆得法忍

時阿耨達復白佛言云何世尊菩薩大士修是清淨而應向道聖尊告曰如是龍王菩薩大士欲行斯清淨道意者當曉淨行亦使其身口意清淨何謂身淨已身已空解諸身空身之寂靜解諸身寂身之已脫解諸身脫身之急惕解諸身息身之如影解諸身影是謂菩薩清淨道也

又云身淨身行无生其有生死觀於無生彼以無生而等生死則其知身亦曉身行何謂身行去來生法来無盡法見在景法終無盡法其无盡者是謂身行

又復身法因緣合會其因緣者則空无想淡然无念若此龍王是像法觀斯謂身淨又若如来身之无漏不墮三界觀身無漏如如本無以无漏身不墮三界彼无漏身能入生死其無漏除無倦捨退以无漏身示現色身如此現已亦不念滅身之法本如如来身淨眾生身淨已身亦淨等如本無是謂菩薩行應清淨

廣顯三昧經第一卷第六十頌

何謂口言為應清淨一切賢愚言皆清淨所以者何用等相故凡夫劣勢者於音聲若信不諦憂喜元常樂於顛倒觀察眾生无本都無慳慈癡欲何則然者以諸字說聲出皆淨无欲

慧愚亦无其者以此謂之一切言淨以言言之何者為言以欲慧癡而為言耶諸垢為言乎言者無著不著眼耳鼻口身心所言風像風動聲出因緣合會使有聲耳所言如響賢愚所言皆同如響所可言者不住於内亦不出外於其中聞而不可得住本所念及其所行出於言者并所念想无住无想是謂龍王如来所言及其眾生一切音聲皆空非真換斯法耳曰

唯世尊如来所言斯不諦耶曰是龍王如来審諦所以者何如来諦故解知諸法非真非諦又復龍王如来所言隨字音聲皆答眾生一切音聲亦故眾生亦轉法輪而亦不知法之義順以此報應使其行之隨如等滅眾苦之事曉解諸法行了如是眾生音聲已無所住在諸煩惱而常閑靜

廣顯三昧經第一卷第六十頌

現出欲言於著無著聲出所言講論談語其如法者不有違錯是謂菩薩口言清淨

何謂菩薩心為清淨其心本者不可染汙所以者何心本淨故其所可謂客欲垢蔽菩薩於斯不有所著了解以摧於本自淨又其心行不撰德本彼德本者了識心本以此心行慈及眾生識了知彼空無我人其心德本助勸於道知等彼道觀如是者斯謂心淨以此淨心與諸慳慈愚行者俱而永不受欲怒癡垢與操行俱不著諸穢是謂菩薩身三清淨說斯清淨道品法時三万菩薩速補生處

道無習品第三

又復龍王其菩薩者乘是淨心生於欲界而在形界與諸天俱慶眾梵中詳安靜然在中進止無勝動者又斯菩薩能降諸天化道以摧或生形界而在欲界現如有家與諸眾生同旋坐起不與有勞弗憊眾生亦无自輕彼以斯淨諸定正受盡自為定不隨正定而有眾生何則然者以彼菩薩

廣顯三昧經第一卷第六十頌

執權方便心應淨故若此龍王菩薩
曉解清淨行者當修清淨已而習道
如是龍王菩薩不習以求道習不習
無習以想道習亦不習於望道之習
亦不求習了解道習不習所生真向
道習不習行滅而為道習亦不求習
以為道習不習無習為道之習不習
執捨以習道習不我人壽不身無常
不身性苦不身有我身夢幻野馬
影響亦不身空無相無願不身無欲
法身習道以要言言身性諸情亦不
興有十二因緣乃至老死無欲之法
不數無數道無二習不俗不俗不漏
無漏不犯無犯不二之習以求道習
又復諸法無習之習是道無習斯謂
道習不習之習如空無習亦不無習
當如此習是道無習無相無願彼不
作習亦非無習當作是習無耦不耦
諸法無住勤習如此乃應道習當佛
世尊說是清淨行元所習道品法時
三萬二千年及世人悉皆速得無所
從生法樂之忍五萬人宿不發心
於菩薩者皆發無上正真道意七萬

廣顯三昧經第一卷第九品

廣顯三昧經第一卷第九品

菩薩速得法忍今時一切同聲而言
世尊其有族姓之子及族姓女速聞
說是清淨道品元習法者其值聞已
心無驚恐不捨退者是皆受習如來
無上正真道意得轉諸佛所轉法輪
又唯世尊是輩菩薩悉獲元上正真
道意為元量人分布斯法亦復當坐
師子之座當於天上天下人中極師
子吼猶若如今如來之吼悉降魔眾
伏摧外道顯樹法幡熾法輝明震雷
法鼓已鳴能降法雨今時世尊見諸
天龍神之衆人與人及四輩聞
其至說莫不悅懌於是如來為阿耨
達重復演說而說頌云
道非習可得元乃與習想其道行如此
棄離習念行不望求習道蕩除眾異想
其道都元習清淨像明月若有起習想
元處亦不習已過元習處得致取上道
道為元我念亦不與空習是道元有二
安快而元上命壽亦如此無人及與言
其道不有人元命亦元住諸有習道者
而欲住於空斯去聖路遠是不應道習
道亦元有空以捨於有習如本同一相

廣顯三昧經第一卷第九品

永空空於空道為元起相亦不有滅相
不起亦無滅彼悉為道習吾音聲如幻
解想當如此持想行所習道當何從生
道為都過俗彼不有身習亦無滅身行
可得致於習是身根之家本元所演廣
彼不有餘求本元不可得其習是道者
當如如本無如本知本無是謂應道習
諸法之本元所覺若如幻解行而致此
乃應道之習若其不至道所作如不住
元能止其行佛法不由道若如所習道
井及與元習所演為如此以住於本元
有限餘道者劣乘之所依是者元上道
本乘所因由諸興此道者以致而元住
斯則顯行德可致應道習道正而元峻
端直且平坦勤親行此道永離眾邪迹
若如卿龍王自住其宮室不動於所處
降雨充大海大士亦如是習道如所行
法身而不動能滿於智海又如仁龍王
在於大地上以雨遍充足其不有身者
菩薩德如斯行此之所習用法滿眾生
其內元所著若如阿耨達龍王大神變
勝道德如是感動十方衆生墮邪徑
諸隨受者見其住是道者將順度元為

廣顯三昧經第一卷第九品

已住於斯道 善薩果大稱 能降魔波旬
并及邪外行 得道如其如 如道无能動
踊過諸俗法 其行辟蓮花 道心无有愚
是行為住止 千數諸衆生 化度立以道
以常住斯道 得致於五旬 神足諸感動
為衆廣說法 諸事悉清淨 身口及與意
當願賢聖道 人性不可識 忍行為无者
其往所可至 斯得如來處 示道諸衆生
生死於至歸 斯處則如來 其往似若至
此為无所至 衆生所可至 當念彼上處
學索佛之道 遊樂以幻法 其作是習道
和道之所習 彼衆德儀行 諸佛所稱歎
其德无有邊 終不可極盡 如此習道者
不習亦无住 彼處不各魔 衆都不著行
其順此道者 不起亦无滅 已得意志行
掩持和大辯 施惠及戒忍 遂增進若海
身口穢以无 心潔乃清淨 垢消永无瑕
修應此道者 得昇於知達 所行習深妙
難動惠无即 守習是道者 其諸取正覺
過去與當來 現在亦如是 致道世所歸
彼已離衆難 值世遭難過 永為諸佛子
其聞此法者 快哉諸衆生 至善聞斯法
真應悉如來 其樂是經者 有曉此道旨

廣顯三昧經第一卷

第三張

能斷諸情態 紹德具衆相 得應三界將

佛說引道廣顯三昧經卷第一

辛丑歲高麗國大藏都監奉

勅雕造

廣顯三昧經第一卷

第三張

佛說引道廣顯三昧經卷第二

西晉月氏三藏竺法護譯

請如來品第四

時阿耨達自與其衆諸眷屬俱稽首
世尊跪膝叉手而白佛言願請天尊
迴屈神光往詣無熱之大池中盡其
三月吾等志樂供養聖尊并諸神通
果辦菩薩及上弟子蒙愍納許願受
其請所以然者吾等供事至真正覺
豈能應於如來儀耶冀蒙逮聞寂靜
上化唯以此法應供養也思願重聞
如是像法今常歡悅此乃應奉於三
寶耳今時世尊不受其請重啓二月
如來不然垂聽一月世尊不可願納
半月世尊默然而已受之於是龍王
自與其衆諸將從俱見尊受請忻喜
悅懌善心遂生遶佛三匝興震雲電
而降微雨普遍天下忽然之頃還昇
宮中時阿耨達到坐正殿輒占諸五
百長子其名善牙善施善意善明能
滅寂相感動大威甘威甘摧甘德普
攝威勇持室忍力行祥如是比等五

百長子宿樹元上正真道已王告之
日又諸子等吾今以請如來元著平
等正覺及眾菩薩諸弟子俱盡其半
月世尊正覺垂大慈哀與有引愍而
尋受請汝等當共同一其心廣相勉
勵加敬世尊至真如來勤念元常當
各寂靜謙恪恭肅住待如來儀應棄
指淫心欲意及龍戲樂除貪慾宮離
欲色聲香味細滑所以者何世尊元
欲而且詳安仁雅審諦順寂靜顯
備諸德侍從圖衛儀容元量皆承諸
佛真正要戒以是之故汝等半月無
得入宮當除姪患愚癡之念又復如
來宣講法故必有他方神通菩薩釋
梵持世宿淨天子當普來會汝等勤
念廣施殊妙光顯嚴飾慎勿中慙令
諸會眾觀變踴躍此乃真應供養如
來時阿耨達都約勒訖轉為如來於
雪山下元熱池中為世尊故化其無
瑕淨琉璃座而使縱廣七百由旬乃
殊異妙周而列置八万四千雜寶琦
樹技以眾珍諸寶鮮飾蔚有光華精
輝百色中出美香諸樹間化八万四

廣顯三昧經第二卷 第三張

千七寶之堂眾珍光彩極好元雙施
置十萬交露綺帳乃垂異妙赤真珠
貫在諸堂上有師子座八万四千皆
大高廣而布元價妙好雜戲林座寶
分施諸交露技以眾寶所在堂上有
龍女各二千人其色殊妙安美元
量顏像麗華口出熏香擎持雜花末
香塗香調作諸妓以詠佛德興悅眾
會於上虛空化大寶蓋周千由旬遍
覆會上琦珍綵鏤其寶蓋中眾色元
數懸好繒幡於幡綵間垂諸寶鈴景
風和降音踰諸樂施饌百味備辦都
訖為此慶已與其眷屬恭檢叉手向
佛跪膝而遙啟尊以其請意歎詠曰
慧藏知富積辯德 慧達元著明導眾
慧和普至不有導 慧上策力降神光
慧解心行唯大仁 當觀十方眾生類
寂上神尊受吾請 念啟慈愍唯時屈
知足元貪而易養 祥福審諦聖道師
善行質信知眾意 時節以至可屈尊
其德普稱行等王 造元請友興普念
至仁清淨踰若空 所設辨訖狂神尊
威御十方猛持世 佛事十八而等有

廣顯三昧經第二卷 第三張

度眾寂首悲踊行 願與其眾時蒙至
色妙端正相綵身 琦好種種花繡文
志樂歡悅惠法施 大仁上導願察時
梵聲清淨若雷震 驚風哀鳴師子步
妙音具足悅諸土 眾心忻望願時願
佛土三千元等倫 弗有能知如來心
聖尊明觀眾生行 所修常應時降此
知時普應懷摧化 了達眾生有聖指
詳審之行目明好 神威檢足願迴光
眾生甚多普渴仰 十力持勢威无悞
大仁德峻勇而果 聖性介枉昇遊此
慙祥備足德最上 寧救濟有遍无極
師友元雙協懷眾 化龍億百興有悲
於世威猛普慈救 達知眾行應如意
開布散示唯天尊 輕舉神足願時至
尔時世尊知阿耨達請時已到告諸
比丘著衣持器差應留守无熱龍王
逕跪啟時應受半月宜便即就於時
八万四千菩薩皆大神通德具果辨
弟子二千亦上神足侍達世尊周而
而導至真如來從就為山頂忽昇虛空
神力而進如其色像身放無數百千
之光遍照三千大千境界普慈是明

廣顯三昧經第二卷 第四張

諸欲色天皆見世尊揚光無數飛過虛空自相謂言神尊致彼無熱王所將興法化演奧無極及使如來為衆圍遶即彼半月中多諸天數百下衆得見世尊又聞法說緣復觀觀無熱所設莊嚴感變而令世尊故遶到彼時諸天子各各發念供養如來或願散花或雨名香或施天樂以歌佛德或復懸幢幡蓋繒絲率隨如來世尊身光焰輝燁燁明踰日月宿淨色淨及諸天光佛之聖威神輝无量根定寂靜行遊詳安輝梵四天威變種種奉敬追侍隨從如來於時聖尊到雪山下住止右面便告賢者大目連言汝到無熱王所處宮當宣告之如來已至時可應入於是賢者大目連連承佛神旨忽遷無熱大池之中現於虛空去地七丈化身像者若金翅鳥王住阿耨達龍王宮上便告王言如來至也彼諸龍衆及姝女等无不愕然驚恐怖悸衣毛為豎四之藏窟展轉相謂此池自初無金翅鳥斯從何來時阿耨達告諸宮人太子眷屬而慰

寶經三昧經第二卷 第五卷

之曰且各安心勿恐勿怖此為賢者大目連耳承如來使興神足變賢者目連到彼告訖還詔世尊時阿耨達便與其衆諸子臣民夫人姪女學宮大小俱而圍遶各奉名花及美末香并衆塗香幢蓋繒幡倡伎種種調作相應進迎正覺于時世尊為諸菩薩及衆弟子天龍尊神所共圍遶俱而前至無熱所設廣博座場如來到已尋就高顯師子之座菩薩相次然後弟子諸衆坐訖今時龍王觀視世尊及諸菩薩弟子衆會坐悲而定興心无量內懷怡悅輒與其衆子執斟酌所設饌具踰世甘肥延有天味餽饌百種以用供佛菩薩弟子并諸衆會使皆充足世尊菩薩及諸弟子飯畢輒各洗滌應器衆都訖時阿耨達即啓如來願聞法說於是世尊日異時後便從定起端坐說法諸來會衆滿千由旬從地至上中无空缺天龍鬼神及人非人周匝衛遶至真正覺一切會者各懷踊躍

無欲行品第五

寶經三昧經第二卷 第五卷

今時龍王悅顏進前跪重白佛唯願世尊為斯衆會如應說法今諸一切免離生元精除相著五陰諸苦穢垢昧昧勞塵之行使其永无三毒意結蒙及龍衆得棄邪冥伏其心意弘致至善使有悅豫深行菩薩後若如來現有存亡當使吾等所在國邑護持正法於是世尊讚龍王曰善哉善哉阿耨達王諦聽其義勤思念之以宣布示吾當廣說今此會衆多免罪痛根拔難想意識志疑使解普智昇遊三界時龍王言善哉世尊願樂廣說當頂受行

是時聖尊告龍王曰有一法行菩薩應者為天世人甚所敬重何謂為一志修深法以行无欲何曰深法法行无欲乎如是龍王菩薩依順因緣之無離二見際知有元者斯見諸法依著因緣不見有法不由緣生彼作此念其依因緣斯无依緣彼不依魔其依緣者彼不言吾亦不言我又其依緣中无我我依緣无主亦无執守其依順緣了解起生速易得致四依之

寶經三昧經第二卷 第五卷

念何謂為四依於至義而不文飾依於慧行不為識念依順義經不依攀緣依念於法而不為人彼何謂義何等為慧云何順義何謂念法義謂空義不受妄見无相之義不著念識无願之義不著三界無數之義不著於數又復義者於法非法而无其二音聲无得念想无念法屢无住用無人故命壽言聲偽无所有又復為義其法義者為无欲義何謂菩薩為法義其無眼色耳聲鼻香舌味身更心法之義不生色義不滅色義不為痛想行識之義亦不生滅識行之義亦不欲色无色之義亦不生滅欲色无色義亦不我義亦无我見著人之義不有人義亦不著人見入之義亦不著人有佛身義亦不法字著入之義不數計會有著入義亦復不有施戒忍進定智著義曉入一切諸法之義是謂菩薩為法義也其從是義而不有退是謂為義

廣顯三昧經第二卷 第九節 跋

性而无毀慧在於諸情空取為慧解入諸法明了衆生根滿具慧志念无忘於諸止意不意无念於諸斷意等善不善於其神足身心建慧又於諸根了輕重慧於諸覺意覺諸法慧而於諸力已降調慧道為无數於滅寂慧觀別法慧始不生慧来不至慧中无住慧於身像慧言以響慧心法幻慧是謂著薩明達智慧又何謂為順導義經從是因緣而起然者滅於愚癡滅於老死无我而然於無我人及與命壽深解諸物若如来我皆非真法而然於三脫之門也等於三世求三无著所謂諸法見都无生視了知者而得等滅離俗情態菩薩來智慧度无極於諸意念而无疑惑應入是行斯謂順義无所去至亦无從來涅洹无為不有去至是謂順義何謂如法若諸如来興與不興法身常住是謂如来如本無而无增減不二無二真際法性謂之如法不毀行報无行報法斯謂如法大垂者由六度无極緣一覺乘從因緣脫聲聞之乘依音

廣顯三昧經第二卷 第九節 跋

聲脫是謂如法施致大福戒得生天傳聞多智定念致脫斯謂如法從行不修興有生无行之純至而立无為如法之謂愚以欲力智則慧力斯謂如法其一切法悉依法性如此龍王其依因緣而起生者斯則應得四依之念其依因緣彼則不依斷著有无是謂其見因緣起者斯見諸法其見法者斯見如来所以者何因緣乎龍王等起无起法於非法等而无著又如来者亦為无著因緣之起亦无有起法不可得覺其法者斯則如来於因緣起慧眼見之慧眼見者斯則諸法見諸法者斯則如来是謂其見因緣起者斯則見法其見法者斯見如来又如来者以法見法如是龍王若以此法行應脫者斯謂菩薩而无欲行又呼龍王无欲菩薩不作欲習悅樂賢聖捨非賢聖勤慕興護於賢聖種廣合諸慧為法作護修於傳聞志樹无忘不捨戒身智身無傾定身不動於其慧身得善堅住脫慧見身強固難轉脫慧見故又復龍王無欲苦

廣顯三昧經第二卷 第十節 跋

薩得無數佛正法度義亦具無數諸佛要慧又果無盡諸佛之辯得通元量諸佛神足因致無數諸佛摧解普入元量衆生之行造過無數諸佛國土因見無數百千如來緣得聽聞元數諸法得無數義達元數慧曉元數行度無數衆

若是龍王無欲菩薩常應清淨消盡衆穢德不可量三界自由不有所著何則然者以其無欲自從心生有三事從心出生何謂為三從其欲生又從愛生亦由起生復有三生觀於起生又觀起生又觀所行觀心無處又復三生滅寂專一曉解於觀如法隨行又復三生得備仁調以為寂靜從行勤生又復三事從於行直而無有諂仁慈調忍復有三事無沉吟疑順善不麤志足易養又復三事從其空生又復元想亦由無願又復三事心之所生諸法元常從其心生諸法皆苦亦由心生諸法元我亦從心生復有三事而從心生諸法無常諸法元我滅盡無為皆從心生如其龍王菩薩等滅

亦由心生謂其不捨普智心行等一切以大慈故不捨衆生大悲心故不厭生死用大喜故等離喜怒以大護故所有慧施不望報故衆戒學行德義備故內免已過不論彼短能忍衆生諸不善行欲令彼人心固金剛合集衆善諸德之本身命元惜得致一切諸定正受心無勞倦不以正受而有所生曉智以摧順隨衆生以其諦慧度諸志脫欲達聲聞緣覺乘者顯念佛法求諸佛法心能忍苦廣宣法故衆利敬養慈而棄之志具諸相德行無厭充滿智慧傳勤多聞習善友故值善知識用謙敬故得應謙行降自大故以降自大志行備故具滿意行用無諂故以離諂者言行應故以其無欺修誠信故以往信言離衆欺故滅除妄語生誠信故降心於信如是龍王其有菩薩而生是心斯謂元欲

又復龍王元欲菩薩魔不能得其限便也所以者何以彼菩薩應無限故而亦不行有限之法彼何謂為是限法乎欲姓患癡斯皆有限菩薩於是

不有所著以此謂之為無限也聲聞緣覺其乘有限菩薩住於普智心者魔終不能得其限便有念元念念想有限菩薩以離衆念之應如此菩薩魔不能得其限便也如是龍王有二魔事而是菩薩當深覺之亦當遠離何謂二事於其師友無恪敬心而自處大貢高蔑人是謂為二又二魔事捨菩薩六度元極藏心返喜樂親行聲聞及緣覺法復有二事何等為二

元其智慧而欲行權與諸隨者望見衆生樂相狎習復有二事寡聞少智自以慧達雖有通博於中自大又復二事於德甚少妄自尊貴若修德行而樂小乘復有二事正法不護不度衆生復有二事志不樂習於諸菩薩及衆通達明智者俱專行誹謗清高菩薩主為法師數興蔽導又障師訓而多諛諂又二魔事捨諸德本心存不德復有二事雖在閑居懷想三毒志常憤內若遊國邑有貪利心復有二事為非其人說深要法應當為說而又不說復有二事不覺魔事遠離

普智意數錯亂如是龍王其諸魔事色像若斯无欲菩薩而永无此又復龍王若有菩薩修於清淨行應无欲當致菩薩十六大力以此諸力降調已志以化衆生何謂菩薩十六力耶日得志力意力行力懃力強力持力慧力德力辯力色力身力財力心力神力弘法之力伏諸魔力无欲菩薩得是菩薩十六大力何謂菩薩為志力耶如是龍王菩薩志力能覓諸佛一切所說物而持之是謂志力斯菩薩意應諸佛行於諸衆生而無斷尋是謂意力能達一切音聲所說解了諸義是謂行力雖諸罪行與衆德法是則懃力一切諸難不為非行斯則強力億千魔兵不敢而當是則智力通達持法宣示等學而无遺忘斯則持力无者不忘於百千劫其可說无尋不斷隨解諸法是則辯力若諸釋梵及四天王往詣菩薩默然無色是端正力以其實首所可念願應意即至是則財力過諸外道在中獨尊是則身力衆生之心能一其心知

廣顯三昧經第二卷 第五法

衆生心順行化之是則心力衆生應以神足度者為現神變使衆觀見是神足力若所說法使衆聞之而无中斷彼受順行等除苦盡是弘法力若其禪定正受之時得承佛自賢聖行法是降魔力斯謂菩薩十六大力其有行者志慕願此十六之力而欲得者當修无欲譬如龍王一切河流歸於大海道法諸行三十七品悉歸无欲又若龍王諸藥草木依因於地諸善行法皆由无欲譬如龍王轉輪聖王衆生所樂若此其有无欲菩薩乃為諸天龍鬼世間人之所愛樂也今時世尊為阿耨達并諸太子而說頌曰欲為慧菩薩志願佛道者彼當離穢法常勤行无欲慧解因緣法不碍於見際觀法以因緣无緣不有法緣生彼無生是不與自然善緣斯亦空知空彼无欲著緣而无相脫願寂復寂落泊像大愚其度魔不審見法无著緣於其无吾我彼不有我人知是則无欲无主不守護不獲亦弗捨本脫无取捨離欲常了法觀義不為飾慧行常脫識曉了順義經

廣顯三昧經第二卷 第五法

依法不為人空義是佛法及脫无相願不猗造見念是義其无欲於法不有二音聲元可得處法難可動不人義无欲法義无欲我眼耳不色聽鼻舌離香味身心无更法不色生威儀又不離痛想亦无識住我這是應法義不住三界義亦无吾我義世尊无色身无字法說義計數非法義至要不以施非戒忍進定慧元我世尊諸法解无義智謂是法要於義永非義无欲則佛法无生曉苦慧不起无有滅不生亦无終如是應尊習五音解若幻知其如法性曉内如空聚了是為无欲知法至趣向明達衆生情迷念以止意無欲得是慧意斷无有二神足心輕騰以力而无慢諸根知止足覺定解以智明了八直道慧觀於滅行解法所至歸本法不有生當來而未至現在无住法不欲知如是身像无堅固語空辭如響心幻若如風无欲解如是知說順義經了達於因緣本癡生死滅无欲是慧義无我人命壽解了法非法以脫於三門所說空无者无生見滅道習慧喻俗行不從心意生無欲覺是行

廣顯三昧經第二卷 第五法

法性常如住佛興及滅度 无二覺不覺
無欲知是法 其積如本際 彼積患諸法
空積及人際 无欲達是智 法性常以住
覺起而滅度 不識知其二 无欲法如是
不滅善不善 知法无罪報 佛法不從他
從行度元極 以離因緣覺 音脫聲聞行
惠施致大富 彼見戒生天 博聞得智慧
守意化衆生 至聖都守意 无欲法如是
力常轉諸欲 智慧志存法 等念是諸法
法性常無得

識智因緣起 而致四德行 知義及與法
順義知无欲 觀緣彼見法 以法見世尊
等於起滅法 无欲了尊法 因緣跡无得
音聲法无字 斯法得本无 是聖謂如來
以慧見因緣 无見不見法 明慧了因緣
是謂見世尊 彼求无欲行 悅性諸賢聖
法性毀不捨 而護聖賢種 常護佛正法
无欲聞不忘 戒根不捨離 於定達難動
知身慧不動 常住於脫身 及脫慧所見
无欲常安住 解人諸佛法 无量衆聖道
得佛神足具 辯達一切行 知衆情意行
忽然遊諸土 得見諸如來 受彼所說法
聞守解達義 宣示无量人 知彼億數行

廣顯三昧經第二卷 第七法 欲

志得向无數 无數當自在 降心入功德
伏意使无欲 終不遷是世 諸陰心以脫
了知起滅處 觀滅无所有 所習以而无
聲心所行 不詣常端直 无俟調仁善
无欲德如斯 以脫空想願 解苦知生死
無我法常寂 无欲從心行 普知心等慈
以悲濟衆生 喜不厭生死 行護无有邊
所施无望報 省已立諸行 忍耐善不善
念脫彼衆生 勤精強修德 不計有身命
以次知諸定 亦不隨於定 慧定大精進
於數不墮數 以諦化聲聞 智不志滅度
无欲值佛世 彼有此諸法 魔不知其行
安住法了是 无欲不有暇 曉是貪如根
離欲彼無想 魔不知其處 共想吾我應
彼自起魔事 是念度諸行 衆魔而不審
无欲志不忘 所行常清淨 無欲不意志
勤行而不毀 以聞无欲者 悅慧敬如來
其住如法住 彼應如世尊 諸佛十力者
菩薩欲奉事 聞斯无欲行 勤意當受持
其聞此无欲 悅信廣奉行 彼常致无欲
得佛是不久 无欲聖所由 而致最清淨
无欲得成佛 以化元有邊 去來現在佛
諸得衆相好 悉從斯无欲 及行是法故

廣顯三昧經第二卷 第七法 欲

尔時世尊說是无欲法品之時諸在
會者四万二千天龍鬼神人與非人
皆發无上正真道意万二千人得不
起忍又八千人逮柔順忍三万二千
天子神龍得離塵垢生法眼又八
千人而離欲行八千比丘漏盡无餘
當尔之時三千大千世界六反震動
普遍十方熒然大明於雪山下无熱
池中周匝現有所未見聞光耀妙花
皆至于膝其池水中普生乃異鮮飾
蓮花大如車輪中出美香花色无數
百千諸種皆是佛之威神所致亦為
是法興其供養以悅无熱龍王意故

佛說引道廣顯三昧經卷第三

辛丑歲高麗國大藏都監奉

勅雕造

廣顯三昧經第二卷 第七法 欲

佛說弘道廣顯三昧經卷第三 欲

西晉月氏三藏生法護譯

信值法品第六

今時阿耨達龍王心甚悅豫又及龍王五百太子宿發無上正真道意聞佛說是尋即皆得承順法忍忻心無量各樂供養輒為如來施飾寶蓋進上世尊同時白佛言聖師如來至真正覺為吾等故出現生世何則然者令吾等聞普信道品得聞是已意而無懷不有懈退亦无驚恐聞以加重專心習行樂聽无厭如是像法也又惟如來解說苦蘊云何得值諸佛世尊如來告曰諸賢者等勤念受聽吾當廣說諸太子言唯思樂聞彼諸上士受世尊教如來告曰樹信賢者與值有佛何謂為信信謂正士修諸明法奉之為先何謂明法曰依行應不離德本習求樂賢慕隨聖眾勤心樹信志无勞疲思僥聞法拔棄陰蓋順習於道得法利養以施固慧戒與不戒濟接等與在諸恚怒而常有悅勤

樂普智心無懈退信佛不休未曾亂法悅心聖眾志道難動喜樂正真而離貢高於眾自昇常有等心諸虔无著終捨身命不造惡行修立質信言行相應等過於著心無垢穢身口意行順隨聖化明了諸事得為清淨知足无貪所行應淨曉入智幻習求慧根依順七財修念誠信根力以備而行正見所受師友謙恪礼敬安足易養數詣法會心无退歇有患生死示无為德勤心精進求昇普智以弘道化於如來法志樂出家修諸无數梵清淨行造立慈悲救彼眾志存反復其有報恩及不報者等接護之心无適莫不自念利常悅彼恭忍調之行以念備足目見無惡不借說人内性以寂志於閑居心常樂靜專念習法而无諍訟等已彼過求備戒具集合定行勤謹於道斯謂賢者行應俗信樹信如是此謂興值佛世者也又賢者等其於世俗造信无忘是謂興信值佛世也又賢者等何謂俗信其有信者信諸法空以離妄見信知諸

廣顯三昧經卷第三 第二品 欲

法以為無想而離念應信知諸法志皆无願不有去來信知諸法无識無念靜身口意寂无有識信知諸法以為離欲无我人壽命信知諸法信知本无去來自然信知諸法真際无跡如本無跡信知諸法已皆自然等若空跡信知諸法而依法性信知諸法等過三世信知諸法欲履邪見而皆志盡信法无著以離本癡本无清淨信知諸法心常清淨亦不興起客欲之垢信知諸法无所觀見信知諸法護等斷眾行信法无我以過喜怒信諸法无心無形像而不可獲信諸法偽如握空拳誘調小兒信法无欺不有上下无所捨置信諸法虛若芭蕉樹信法自由如常寂靜信法无審不住三處信法永无不有所生信法若空以等无數信知諸法若如泥洹常自寂靜如是賢者其於世俗興起是信斯謂造信而值佛法又復賢者其有信值佛法名者此則名曰諸法都无起之謂也所以者何无色生故无色無生化轉之習不痛想行識已无識起

廣顯三昧經卷第三 第三品 欲

不以眼耳鼻舌身意無起轉習不身起轉不癡有元不生老死有元起故如值佛世不起有生亦不起滅又復無起習於元滅不以正意元忘意習而值佛世惣要言之亦不以三十七道品法起无起習亦不以道无生之習不以起慧亦不滅慧不慧元慧無二之習如值佛世當說值信佛品世時无熱龍王五百太子皆悉速得杀順法忍於是世尊復說頌曰

興信值佛世而習於不生其元向信者斯不值佛世修信謂寂上從致清淨法行質有報應不違厥所修信習諸賢聖勤隨常礼敬心不有懈退此信之所行勤行聽法說陰蓋不能動從信得致道行逮於柔順以法所得財轉惠普周濟護戒與毀戒行信而等施能悅諸慈愍道心不懈憊勤求大乘法有信悅向象永離大貢高志常自卑下所在元所著立信相如是志信不惜身終不造惡行守善无妄語言行常相應悅信以過界樂行於无心身口意清淨習隨聖所護有信行内淨常為慧所將知身之要卒

廣顯三昧經第三卷 第四分

求問宣所聞等念於七財得力根以足長離眾邪見志常習等行礼恪有悅心敬事如其師心宿善度恭知足无所遺其心常無念所志唯道法有歡生死者引示元為德脫之所當行唯常求悅心速離於是世修梵行无憊懷受諸眾生救彼無利望當報所受恩悅信當勤求己利不以悅亦不嫌彼供仁忍而悉備无諂調質直行信目所見不肯說人短根寂性安敏志悅樂閑居其心无憤内自勵備思行先順不有諍内省剋己過勤求具戒行專習於定道悅信慕樂行信者相如是其過欲信者彼行而解此興法不有諍深妙佛所說誠信信於空彼都无眾見諸法无有想不意離眾念當除斷諸念覺了去來事法求无著作不有於身心信為无欲法離我今壽命信者解无本得至不二處其本元有積體无若虛空諸法信亦然便與法性同等過於三世諸法无有漏欲處及與貪樂信无受見諸法不有著其本明清淨客欲无能敵不處心有住諸法不可見因緣而无起常觀於高行不受所住短

廣顯三昧經第三卷 第五分

無合不有離脫者无合同信悅於空法愚之所可惑湛泊意无起欺偽如芭蕉口言而自然無去亦不有諸法无所有所見皆不要其法若虛空等緣元有數諸法如泥洹本無不可見信悅而行此解了身虚空其有如是信菩薩及凡人彼則值奉佛所處无有惡不以造色行得應值佛世无色不有處不來亦不去於色无有生不滅亦无住當來无所至值佛廣演說五陰亦如是化習轉无生值佛當說慈達諸菩薩其身及諸情亦習以无生佛興以無生常救諸隨生癡本无有生生死亦如斯是緣如本无從法而有佛無起不有生不滅无有住是以知无處處亦不可見斯亦不自生與佛而博演无志不有住是亦佛所轉諸種亦如是佛種順如法斯類亦起元如佛而等與其行如是者佛興為若此悅信斯大處其限不可量

轉法輪品第七

尔時世尊告太子等又諸賢者何謂苦薩得轉法輪其有布露如是像法樂說句義受持不忘修而行之諸有

廣顯三昧經第三卷 第六分

不發大悲意者為興普智隨順眾願而為說之廣宣布示志不有憊忽棄利養勸念順時受持護行斯謂菩薩應轉法輪又若如來所轉法輪而其法輪行像入德當粗說不以起法亦不滅法不以凡夫下劣行法亦復不以賢聖法故而轉法輪又其法輪不中斷絕等斷善惡彼以是故為無斷輪又其法輪因緣之起不起無起而有其轉以斯之故為無起輪又其法輪不以眼色耳聲鼻香舌味身更心法諸情轉隨有轉以此之故彼無二輪若有二者則非法輪又其法輪亦不過去當來現在所著而轉是無著輪又其法輪不我見轉非人命壽所住而轉是為空輪又其法輪不識行想滅念之轉是無想輪又其法輪不於欲界形無形界所望而轉是無願輪又其法輪不計眾生有異而轉不處二法是凡人法是聖戒法是聲聞法是緣覺法是菩薩法是為佛法彼以是故為無異輪又其法輪不以有住法輪而轉以斯之故為無住輪

廣顯三昧經第三卷 第七四

也法輪名乎諸賢者等真諦正輪常無毀故要義之輪等三世故無處之輪諸習見處以等過故寂實靜輪身心無著不可見轉意識離故無操之輪五道不處審諦之輪無諦現故行信之輪等化眾生用無欺故不可盡輪字無字故法性之輪以其諸法依法性故本積諦輪本無積故本元之輪如本元故無所造輪無念漏故無數之輪導至聖故如空之輪明見內故無想之輪無外念故無願之輪無內外故不可得輪修過度故又諸賢者其如來者以此法輪轉之眾生諸意行也其轉不轉彼不可得法无所捨於時世尊說是轉法輪品之時天龍鬼神及諸神神欣心踊躍顯光讚揚如來斯法皆同聲曰善哉世尊甚為難值如來示說轉此法輪聞者奉行則應法輪是法名轉空虛之輪諸已過佛及與當來并諸現在念由是法其有信者斯則已度諸行此法吾等世尊代其勸助彼諸眾生其興是心常欲聞斯法輪品者聞當發求是道要行

廣顯三昧經第三卷 第八四

彼亦不久得轉法輪於是眾中聞是說者有万天人皆發無上正真道意五千菩薩速得法忍

於是世尊告諸賢曰又正士等其護正法受持正法營護正法是謂護法所以者何於永無滅應是行者天及世人終不能當於時無憂前自佛言又唯世尊若斯正士以如是法而得寂覺於其本元不有惑者又如是像諸正士等當共擁護所以護者令諸正士使其速應於此大乘彼皆行已得轉法輪又能與識法之大明是故世尊以斯等教要法正護使發大乘以護法師安救敬禮順聽禁戒是時世尊讚歎無憂龍王子曰善哉善哉無憂正士諸發大乘為法師故安救擁護是謂護法為諸法師營護正法護持正法又復無憂護正法者得十功德何謂為十元其自本降下貢高又行恭敬亦無諂行勤思樂法志慕習法專意隨法行觀於法樂宣說法樂修行法隨所志乘順如說之是為十行以護正法又復無憂有十事行

廣顯三昧經第三卷 第八五

護得正法何謂為十若族姓子及於族姓女所聞法師遙礼其處思樂得奉來轉敬愛供給所欲衣被飲食護以諸事往詣謙敬順聽所說以宣同學障其說非常樂稱歎使譽流布是為十事得護正法又復無憂有四施行得護正法何謂為四筆墨素施給與法師衣被飲食林則醫藥供養衆所若從法師聞所說法以無諂心而讚善之所聞受持廣為人說是為四施得持正法又復無憂有四精進得持正法何謂為四求法精進勤廣說法敬礼法師若毀法人正法降之亦以精進是四精進得持正法時阿耨達五百太子聞佛說是悅懌欣喜歡樂无量同聲言如來所說甚善无比解諸狐疑各以宮室及其官屬盡以上佛奉給所應以敬順心而重言曰從今世尊當勤受化永常无憊至於如來无為之後佛之所說是像實法當共敬受是經要品求索通達勸進修行斯則世尊吾等至願又若如來元為之後吾等聖尊在所國邑當共同

廣顯三昧經第三卷 第十次

心供養舍利護奉礼敬至於現滅也於是賢者耆年迦葉謂諸太子又賢目等如仁輩言獨欲全完供養如來神身舍利汝等是言多斷衆生諸德之本障蔽明淨賢道至化使興是言何則然者又若如來本始造願使留舍利布如芥子為諸衆生降大悲故何得全完而獨供養耶彼正士等即答賢者大迦葉曰唯然迦葉勿以聲聞所有智限而限如來深遠無極明達之慧所以者何若如來者有普智心一切之見處以神足感動變化若其興念能使三千大千世界天龍鬼神各於宮殿普令完全安置舍利使各念言吾獨供養如來舍利其餘者不又復迦葉若如世尊無為之後隨衆生心應置舍利又復迦葉若如來德至阿迦膩吒天上立置舍利其如芥子能普明照一天地內是佛世尊神威變化感動力也

次諸疑難品第八

今時賢者須菩提曰諸族姓子又如來者為滅度耶曰須菩提提於起生處

廣顯三昧經第三卷 第十次

當有其滅須菩提提曰諸族姓子如來有生乎曰如來者如其本無无生而生須菩提提曰如如本无無生不生彼都無生也答曰是者須菩提提則佛所生如其本無而不有生須菩提提曰佛生如是滅復云何答曰亦復如如本無生於無生無為滅度亦亦本无唯須菩提不起而生滅度亦亦如是其滅亦亦本無也說是語時无熱洊池現大蓮花若如車輪敷有无量種種之色以名衆寶而用光飾於諸花間有大蓮華色最曜明現奇異好特獨踰高賢者阿難在於无熱大池之中觀其變化所見若斯尋思世尊今此變化為何瑞應興其感動乃如此耶如來告曰且忍阿難自當見之說適未久忽從下方乃於寶英如來佛土寶飾世界六万菩薩與彌首俱忽然踊出還能仁界昇於无熱大池之中各現妙大蓮花座上滿首童子即就蓮花高廣顯座是時衆會皆悉見之愕然而驚時阿耨達及諸菩薩釋梵持世來會諸衆各叉手稽首敬礼彌

廣顯三昧經第三卷 第十次

首童子退住虛空共持珠寶交露之
蓋時濡首與諸菩薩俱并蓮花座亦
踊虛空去地乃遠於上而雨未曾所
見寂妙蓮花供養如來從諸花中有
聲出曰寶英如來問許世尊起居元
量體祚康強神力安和乎聲復言曰
濡首童子與諸菩薩六萬人俱往詣
忍土至於無熱龍王剎也觀彼感變
又志樂聽龍王所問莊飾道品入法
要說為世尊廣勸法言便有權悅於
是濡首及諸菩薩從虛空下志詣正
覺稽首如來欣心肅敬位世尊前
時天師告濡首曰童子未乎為何忘
故與諸菩薩俱至此耶濡首曰佛言
等世尊在彼寶英如來佛土寶飾世
界承聞至真能仁如來垂慈十方演
說斯要聞是法故尋從彼土昇遊詣
此奉礼天師緣聞如來所講法也迦
葉白佛近如世尊寶英佛土寶飾世
界而諸大志忽至此耶濡首答曰唯
如迦葉坐一定時極其神足飛行之
力盡其壽命於中滅度而由不能達
到彼土其國境界引遠乃今佛告迦

廣顯三昧經第三卷 第五十四

葉其土去此過於六十恒沙佛剎乃
至寶英如來佛土曰其來久如而到此
乎答曰久如者年漏盡意得解也大
迦葉曰甚未曾有唯然濡首是諸正
上神足若斯濡首又曰昔年漏盡意
解久如耶答曰如其轉意之頃又曰
昔年意以解乎答曰以解濡首復曰
其誰縛心而有解乎答曰濡首以心
結解非脫有解致意見也曰唯迦葉
其無縛心以何解乎迦葉答曰知心
無縛斯則為解曰唯迦葉以何等心
云何知心過去知耶當未現在乎去
者滅盡當未至現在元位以何等
心而知其心曰心已滅者是濡首即
無身心之計數也曰賢者心知其滅
耶曰心滅者不可得知曰其得致都
滅心者彼永元有身識之得曰大辯
哉濡首童子吾等微劣豈能應答上
辯之辭濡首又曰云何迦葉響寧有
辭耶曰無童子因緣起耳曰不云乎
唯大迦葉一切音聲若響耶曰余濡
首又曰響辯可致不乎曰不可致又
曰如是唯大迦葉菩薩為懷權辯之

廣顯三昧經第三卷 第五十四

才不可思議亦無其斷若者年間從
劫至劫若薩機辯難可究盡余時迦
葉而白佛言唯願世尊加勸濡首為
此大衆引講法說令諸會衆長夜致
安普使一切得明法要於是衆中有
大菩薩其名智積問濡首曰何故童
子長去迦葉年者極舊所言怯弱微
劣乃今為以何故名之昔年濡首答
曰是聲聞耳故不果辯智積復曰斯
不知發大乘志耶曰永不矣唯以聲
聞乘之脫也曰又濡首何故名為聲
聞之乘濡首答曰是族姓子世尊能
仁隨諸衆生興三乘教數以說法有
聲聞乘緣一覺乘及大乘行所以然
者由此衆生意多懷貪忘劣弱故說
三行耳智積又曰云何濡首如空想
願都元其限何故限之有三乘乎曰
族姓子是諸如未執權之行空无想
願不有其限為諸著限而諸有限終
不限於無限行也曰又濡首吾等可
退使永莫與劣志衆生得有會也濡
首答曰諸族姓子且忍當從无熱龍
王聞其智辯及无量法者年迦葉謂

廣顯三昧經第三卷 第五十四

智積曰云何正土如彼寶英如來佛土云何說法智積答曰唯一法味從其法演出无量法義之音但論菩薩不退轉法諸佛與藏要行之論從已取脫不由眾雜依於普智永無餘脫恒講菩薩清純之談其土都无怯弱之行也

時阿耨達問漏首曰仁尊漏首來奉如來為何等像觀於如來以色觀耶痛想行識觀如來乎答曰不也以約言之色苦觀耶痛想行識苦觀之手減色痛想行識觀耶為以空无想願行觀如來乎答曰不也又問云何去來現在相好肉眼天眼慧眼觀如來乎答曰不也云何漏首以何等相觀如來耶答曰龍王觀於如來當如如來又曰軟首如來云何乎曰如來者无等之等等不可見用无雙故故妙矣龍王如來極尊无偶無雙无比無喻无儔无等無正无倫亦无色相為其无像無形无影無名无字無說无受也如是龍王如來若此當作是觀觀於如來亦不肉眼天眼慧眼而觀

廣顯三昧經卷第三 第十六

法

如來所以者何其肉眼者以見明故如如來者無冥无明故不可以肉眼而觀又天眼者有作之相若如來者等過无住故不可以天眼而觀又其慧眼知本無相又如來者眾都永无故不可以慧眼而觀云何軟首觀其如來得為清淨曰若龍王其知眼識心不有起又知色識心無起滅其作是觀觀於如來為應清淨余時其從寶英如來寶飾佛土菩薩來者得未曾有而皆歎曰甚快妙哉斯諸眾生善值如來逮聞如是龍王所問決狐疑品聞已悅信不恐不怖又无驚怖加復受持諷誦宣布如是正士應在慧署吾等世尊不空至此值聞是要元極像法又若世尊斯法所至聚落國邑當知其處如來常在終不滅度正法无毀道化興隆何則然者以此法品能降魔場伏諸外道也時阿耨達謂軟首曰善修行者軟首童子斯之苦薩達聞是法得佛不難進已勸人勤道无倦也

何謂菩薩應修善行軟首答曰若是

廣顯三昧經卷第三 第十七

法

龍王如貪行空施行亦空等解於此是謂善行以約言之不戒與戒懷惑及忍慼退精進亂意一心如其愚空智慧亦空於是等行斯謂善行又復龍王如其姪欲患癡患愚癡為之空者無其姪欲患癡亦空如參行空无雜亦空於其等行是謂善行又復龍王如其八万四千行空賢聖正脫亦患為空於斯等行是謂善行又復龍王若有明賢修菩薩行无行无不行亦不見行不有惑行亦無念行又不知行於是等行是謂善行无熱龍王謂軟首曰云何童子菩薩行於无所行乎答曰龍王若初發意行菩薩道至得佛坐所行功德患由初行不生之行无受處行無獲捨行无標之行又無著行亦无諦行无有限行亦无惑行又无姪行無所作行亦無特行无著之行亦無底行是謂菩薩无行之行若菩薩以不生之行無行不行得三十七品无所造作以慧而脫永脫於脫不過二際明了本際而不取證菩薩作是此謂菩薩得不起忍如斯之

廣顯三昧經卷第三 第十八

法

行此謂善行說是語時三万四千天龍鬼神菩薩行者遠无從生法樂之忍

佛說弘道廣顯三昧經卷第三

辛丑歲高麗國大藏都監奉勅雕造

寶顯三昧經第三卷 第十九頌 欲

佛說弘道廣顯三昧經卷第四

西晉月氏三藏竺法護譯

欲

不起法忍品第九

時阿耨達謂軟首曰不起法忍當云何得乎軟首荅曰忍不色痛想行識是謂菩薩得不起忍又復龍王菩薩所得不起法忍等見衆生以致是忍等彼衆生如其所生等見衆生亦無有生等見衆生以如自然等見一切若如其相亦不與等而見其等是謂菩薩等見忍空云何為空眼以色識耳之聲識鼻而香識口之味識身所更識心受法識如諸情空其忍亦空過忍亦空現忍亦空如其忍空衆生亦空何用為空以欲為空恚怒癡空如衆生空顛倒亦空欲垢起滅亦恚為空作是智行斯謂菩薩行應不起法忍之者其等衆生已應向脫何則如是又彼菩薩而作是念如其以空至於我垢及諸衆生空元所有御欲如此是欲已脫於本自無一切衆生如此之忍於欲自在以脫是欲根

寂元處其永不滅无脫不脫亦元有得至脫者也若斯永脫則彼是故住處自然又此龍王若有菩薩行應忍者拔度一切不有其勞所以者何見諸衆生本都无縛於本自脫彼作此念是諸衆生恚著一欲行者不著而脫本法一切衆生著其不諦妄想之念菩薩了此終始無著已脫法本又復龍王得不起法忍菩薩者雖未得達佛要行處然是菩薩不住凡夫學元學處普入諸處習度无憊不於欲處有其姪行恚處不怒癡處不愚不於處所以无欲住離衆欲際御持諸姓導化衆生自无欲垢貪著穢行彼於魔界及與佛界并自然相而无疑惑亦不念其法性之處普現於彼衆生之界了知識處非法處曉入行處以慧而觀於行之處及生死處亦不生死入隨生死所在諸處為造德本守靜不疲解知生死如無生死不以賢聖修應而脫時阿耨達謂軟首曰如仁軟首而作是言菩薩不以修應向脫其曉是學斯則菩薩修應向脫

廣顯三昧經第四卷 第三頌 欲

何謂菩薩修應向脫軟首答曰得不退轉是謂菩薩修應向脫又復龍王菩薩曉知有念未脫為諸隨念眾生等故建立精進化轉無念言有吾我亦為未脫又復龍王其菩薩者已無吾我向諸縛著眾生類故為起大悲而以度之彼見生死都元生生死生諸所生以其元生眾生無生而皆等見為諸倚著眾生之故現身受身永元其生亦不有終是慧菩薩應修向脫執權而還還住生死現在所身受身之處濟化愚冥導以智慧得免罪苦菩薩以空故應寂向脫以權而還反于生死為諸眾生興發大悲菩薩元相修應向脫和權而還還遊生死向諸隨念眾生之故為起大悲菩薩元願修應向脫執權而還還住生死為諸隨願眾生之類向發大悲化行無願脫乎龍王菩薩解入元所有法不捨眾生入於元我及人命壽不忘道場曉入元量果致大人三十二相終寂靜冥元寂不寂亦無其亂等過諸行無心意識不違本願昇普智心等離

眾念摧曉眾生種種意行得賢聖者及非賢聖勤以精進立正聖法無姓決行建志不捨寂與不寂等皆濟度元念不念其不整者佛土莊飾嚴整立之過俗向脫脫不離俗如是龍王以執智權有賢聖定是為菩薩修應向脫
譬如龍王聲聞之行修應向脫名曰往還以成其道不能前進發於元上建立大悲而化眾生如其菩薩亦應修脫元復動搖成不退轉往還乎龍王修應向脫無疑會當得至道果又如菩薩修應向脫都不忘於聲聞之果受苦薩道以是聲聞修應向脫為有其限如菩薩者永元其限譬如龍王有二正夫在峻山頂而欲自投其一人者力弱勇悍權榮通捷宿習機宜曉了諸變元事不貫從其峻山而已自投忽忽復還住彼山頂由其勇勢爽健猛達身界靈力輕靈離疾強裸所致而使元墮亦不所住如其一人志怯意弱亦元權謀於其山上不能自投如是龍王其菩薩者於空無相

願觀觀諸法元所作念如是觀訖又復能以權慧之力為眾生故住普智心其峻山者謂是元數其慧博達顯大力者辭執權慧行菩薩也其修權慧菩薩行者不處生死不住元為是謂菩薩拔普智鎧如入死生抽拔眾生令發菩薩大乘之行其劣弱者住彼山上不能返還辭之聲聞不入生死元益眾生若是龍王其有菩薩聞是脫慧要行品者斯輩世尊皆得堅固於元上正真道意疾近佛坐濟度三界說是法時會中菩薩七千人得不退轉
眾要法品第十
時阿耨達龍王太子其名感動前白佛言今吾世尊以元貪心自歸三尊願使是經久住於世護正法故唯世尊志發元上正真道意願造斯行樂興達之得了心本明曉道本及諸法本自致成佛取正之覺當廣宣道化潤眾生又唯世尊其諸菩薩聞此清淨大道法品而不信樂不奉行者當知斯輩菩薩之類為魔所度亦不得

疾近普智心行所以者何從斯世尊
法品要義出生菩薩自致成佛伏魔
外道去來現在諸佛正覺皆由是法
今時賢者須菩提謂太子感動如仁
賢者了解心本明盡道本及諸法本
若得成其覺諸法者此何心本而得
了耶曰其本者唯須菩提是之本者
以心本也須菩提曰心為何本曰本
手煙癡癡也曰煙癡為何本耶
曰以念无念為本也須菩提曰云何
賢者煙癡癡本為從其无念興起生
耶曰須菩提煙癡癡本不念無念亦
不生也又其本者不起為本又須菩
提所可言者此何心本為心本者其
本清淨斯謂心本如本清淨彼无煙
欲患癡癡曰族姓子欲生起生彼
從何生而常生生如无斷耶曰須菩
提其欲當生而已生生於心本者不
有著生唯須菩提提著彼心本有其著
者則終无致至清淨者是故心本都
无著也由是知欲亦為清淨須菩提
曰云何族姓子了知欲耶曰以因緣
二起生也其無因緣為不有生唯須

廣顯三昧經第四卷 第六誦

菩提修淨念者了欲無也須菩提曰
又云何乎族姓子菩薩為應修淨念
耶曰須菩提菩薩於行而修諸行是
謂菩薩修淨行者也唯須菩提其有
菩薩都為衆生被大德鎧化至涅槃
等見衆生本如涅槃是則菩薩修淨
念行唯須菩提其菩薩者為諸聲聞
及緣一覺隨應說法不隨是化斯謂
菩薩修淨念行唯須菩提又彼菩薩
自寂其欲靜衆生欲是謂菩薩為修
淨行又須菩提其菩薩者在於淨念
而不修又於不淨而見修淨是謂
菩薩修淨行者今時須菩提謂王太
子感動曰又云何乎族姓之子菩薩
於淨而見不修於其不修見淨修念
曰須菩提修淨念者謂修眼耳鼻舌
鼻香舌味身更心所受法見思不修
法性无二謂修三界不著是菩薩住
住以善權斯曰修念菩薩作此行須
菩提則謂修淨念行者也於是世尊
歎太子曰善哉善哉如若正士感動
所言修淨如斯是為菩薩應修淨行
今若所說皆佛威神其有菩薩修行

廣顯三昧經第四卷 第七誦

如此是乃應興大乘之行當知斯輩
堅固普智於是太子感動自佛云何
世尊菩薩得以无欲之心應自歸佛
曰族姓子若有菩薩了知諸法无我
人壽无色无想亦无法相不於法性
而見如來如是菩薩為應无欲自歸
命佛如來法彼則法性如其法性
為普所至有得致是法性之法則知
諸法斯謂菩薩以无欲心應自歸法
其法性者彼為无數習無數者即是
聲聞又如菩薩等見无數於其无數
而不有數亦不二者斯謂菩薩以无
欲心應自歸佛說是語時太子感動
得柔順忍來會色欲諸天龍人間此
法品等二万衆皆發无上正真道意
受封拜品第十一
今時龍王阿耨達與宮夫人太子眷
屬俱而圍繞自歸三尊都以宮室并
池所有供奉世尊及比丘僧以為精
舍又復言曰吾今世尊興發是願從
斯大池出流四河充于四海從其世
尊四河之流若龍鬼人飛鳥走獸二
足四足有舍命類飲此流者願其一

廣顯三昧經第四卷 第八誦

切皆發無上正真道意宿不發者飲此水已使成其行速在佛座降却魔眾伏諸外道時世尊笑諸佛笑法口出五色奮耀奔奔光焰無數震焰十方无量佛世明踰日月須弥珠寶諸天魔宮及釋梵殿一切天光盡翳元明是時無數億千天眾莫不懷悅發願聖覺光徹阿鼻諸大地獄有被明者尋免眾苦皆志元上正真道意還繞世尊乃元數而忽從頂入介時賢者名曰拔耆晉言耕也見其光明輒從坐起整著衣服偏袒右臂向佛跪膝恭檢又言歎頌世尊而以偈曰

其色無量見者悅 人雄至寂獨世尊
滅除眾冥與大明 執持威神說笑意
百福所詠德七滿 得智光明演慧行
為法上講惟法王 世尊今笑何瑞應
具見誠諦常樂信 根定寂靜眾摧敬
化度一切以寂然 德過元極說笑故
梵聲清徹甚軟和 驚音商雅踰諸樂
眾音備足元缺減 解散笑故宣布示
智脫之明應慧度 行常清淨樂淡然
權曉眾行普智具 賢聖導王說笑哉

廣弘明論卷第四 第九

智辯通達慧元極 現力無量神足備
丁力已具普感動 天師現笑用何故
身光元數照香冥 大千眾明不能蔽
踰越日月及珠火 威聖之光元等倫
功德滿足若如海 順化菩薩以智明
懷慧元限散眾疑 興發何故而有笑
尊度三界元有極 摧道眾主除諸穢
能淨欲垢化元餘 天顏含笑為誰興
如來所由普感動 震動天龍諸鬼神
稽首受禮於法王 蒙說笑意深眾疑
是時佛告耆年辯辭賢者汝見阿耨
達不供如來故造此嚴飾日然世尊
已而見之曰是龍王以於九十六億
諸佛施種種德本今受封拜如吾前世
為定光佛世尊所次汝當來世得致
為佛号名能仁如來無著平等正覺
通行備足為眾眾祐元上法御天人
之師号佛世尊是時龍王為長者子
其号名曰比守陀來宋丹本末聞吾
受決尋轉興願使吾來世得其拜署
若斯梵志為是定光佛所次也介時
淨意長者子者阿耨達是又斯龍王
當於賢劫中在此池中莊飾種種鮮

廣弘明論卷第四 第十

交眾寶若天宮室當悉進奉賢劫千
佛斯諸如來盡知王意率皆說此清
淨法品悉坐是處等亦如今又及如
前拘樓秦佛文尸迦葉同共坐此師
子之座及其眾後樓至如來亦當轉
此法品要義元熟龍王當供養賢劫
千佛從聞是法諸佛眾會悉同如今
是阿耨達後元數世奉諸如來事眾
正覺修梵淨行常護正法勸進菩薩
然後七百元數劫已當得作佛号阿
耨達如來元著平等正覺通行備足
元上法御天人之師為佛世尊如是
賢者无熟如來得為佛時其土人民
都元貪婬恚怒愚癡永无相侵不相
論短何則然者以彼眾生志行備故
如是賢者阿耨達佛至真如來乃當
應壽八十億載弟子之眾亦八十億
如其始會之為清淨從始至終元異
缺減如此之比數百千會當有通辯
受決菩薩四千億人都悉集會又諸
發意菩薩行者不可計數元熟如來
當為佛時其土清淨紺琉璃為地天
金分錯飾用諸寶以眾明珠造作樓

廣弘明論卷第四 第十一

閻及經行地彼土衆生若興食想應輒百味恣得五通其國處所人民居止但以珍琦被服飲食娛樂自由恣如第四兜術天上彼不二念又無貪欲雖行之心而諸衆生法樂自娛其土人民都無欲垢若彼如來敷雨法說不有勞想神變元數以演洪化宣示經法永元其難方適說法衆生輒度何則然者以彼一切志純熟故又其如來自於三千大千世界唯一法化元外異道又若如來欲會衆時輒放身光盡明其界彼土人民尋皆有念世尊覺來將演法化故揚光耳各承佛聖神足飛來詣佛聽法又彼如來終元不定乘大聖神忽昇空中去地七丈就其自然師子之座廣為衆會進講法說普土見之辟如觀其日月

廣顯三昧經第四卷 第二張 欲

殿明盛滿時衆生種德故生彼土其國人民觀於世尊師子之座懸在虛空而有所著尋解諸法亦空元者當尔之時恣得法忍其如來者但說金剛定入之門不有聲聞緣覺雜言所以唯演金剛定者辟如金剛所可著處靡不降徹而彼如來所可說法亦如金剛鑽碎吟疑住者諸見如是賢者阿耨達佛若現滅度而其世界有尊菩薩名曰持願當授其決然後現滅其佛方滅持願菩薩即得元上寂正之覺尋補佛處名曰等世如來無著平等正覺其土所有神通菩薩及上弟子衆會多少如阿耨達時阿耨達王之太子名曰當信敬心悅欣以寶明珠交露師蓋進奉如來又手白佛誰當於時得為持願菩薩者耶是時世尊知王太子當信意向告阿難曰其時持願菩薩大士當補佛處者今龍王子當信是也時阿耨達如來方滅持願菩薩尋昇佛座又其等世如來元著平等正覺方適得佛亦便轉此法品正要當佛說是封拜品時四萬菩薩得元從生忍十方世界未會菩薩釋梵持世天龍鬼神開佛說此封拜法已悉皆喜悅懽心踊躍信樂遂生五體稽首各還宮殿阿耨達王與諸太子眷屬圍遶勅伊羅璽龍象王曰為如來故造作交露琦瓊

廣顯三昧經第四卷 第三張 欲

寶車使其廣博殊妙元極當以奉送至真正覺尋應受教輒為如來化作七寶珠交露車令極高大廣博嚴飾世尊菩薩及諸弟子悉就車坐元熱龍王太子眷屬心懷恭恪手共挽車從其宮中出于大池如來神旨忽昇就焉山

囑累法藏品第十二

於是世尊到就焉山已即告慈氏軟首童子并衆菩薩曰諸族姓子以阿耨達所問道品宜重宣廣使諸未聞而得聞之慈氏軟首而俱白佛唯願如來垂慈當說於時世尊尋輒揚光光色無數天地震動至于六反光明鏘鏘乃曜十方十方佛土諸尊菩薩神通備者尋明飛來到皆稽首各便就坐王阿闍世夫人姝女太子眷屬舉國目民長者居士梵志學者見是光明又聞如來從元熱還各捨其事悉詣就焉山到世尊前肅然加敬叉手為札問訊如來景福无量乎即退還坐觀佛元嚴如來身光明慈普至元極世界諸大地獄衆窺冥震靡不降徹

廣顯三昧經第四卷 第四張 欲

諸在地獄無不被明又其光明而出
聲曰能仁如來於无熱池弘說清淨
道品要法今還驚山而重演化又其
音聲徹諸地獄十方地獄衆生之類
所受苦痛應時得免悉遙見佛及諸
衆會皆自悲墜嗚呼世尊吾等受此
苦痛無數地獄之酸六火園遠燒炙
苦毒鋒瘡萬端鐵湯之難諸變種種
更斯衆痛日月弥遠善哉世人值奉
如來粟佛道化得離三苦吾等宿世
雖遇諸佛不受法化使被衆痛蒙賴
如來所說法品今諸殃罪而輒微輕
當今之時十方地獄一切衆生得万
有億千悉發无上正真道意還承佛
聖皆同聲曰一切苦痛本為清淨其
了本者則元顛倒吾等但坐不了之
故更諸地獄衆苦无數願使一切速
解正真

尔時佛告慈氏菩薩軟首童子及阿
難曰諸族姓等當勤受此是經要說
持誦誦讀以宣流布廣為學者演說
斯法使諸四輩加心專習是慧要行
積辯句義若族姓子及族姓女發心

廣顯三昧經第四卷 第十五張 欲

怡悅向樂是經當為斯輩解此奧藏
深遠諸義道之无府衆經所歸諸佛
積要微妙元量若所授者當令字句
了了分明使无增減又諸族姓若賢
男女在於過去恒沙諸佛所作功德
施行種種受持諸佛所可說法一一
專習勤心奉行若復施戒忍進定智行
是六度億百千劫奉是諸佛并衆弟
子衣被飯食牀卧醫藥香華伎樂進
諸所欲又造精舍經行之地奉敬如
是不可稱計至諸世尊般泥洹已為
諸如來起七寶塔一一供養諸如來
塔香花伎樂繒繡幡蓋進然香燈又懸
夜光明月諸寶供養如是極多元數
斯所行德集會計之都不如是族姓
男女逮得一聞此阿耨達龍王所問
次諸狐疑法品義也所以者何以斯
法藏出生諸佛菩薩要行慧之寂故
何況奉持執卷誦讀以元疑心體解
深妙復以所聞宣示流布斯諸功德
不可測量也

是時慈氏軟首童子賢者阿難俱白
佛言甚未曾有唯然世尊又若如來

廣顯三昧經第四卷 第十六張 欲

慈降一切興有人悲乃為十方去來
現在菩薩行者天龍鬼神諸衆生故
知說是法无極清淨道品之義又復
世尊若族姓子及族姓女聞阿耨達
龍王所問決狐疑經不即受持樂習
誦讀又不廣博布示等學亦不興心
勸助之者當知是輩族姓男女以為
衆魔及魔官屬并邪外道之所得便
常在羅網結疑中也時佛歎曰快哉
所言誘進一切使習斯法令行應之
如來又曰當以是經數為四輩宣廣
說之尔時慈氏軟首菩薩賢者阿難
皆白佛言唯願世尊輒當受持布演
是法又復世尊此經名何當云何奉
世尊告曰斯乎族姓名阿耨達龍王
所問決諸狐疑清淨法品亦名引道
廣顯定意當勤受持斯經之要又族
姓等是道品者珍護諸法經之淵海
也慈氏菩薩軟首童子及諸來會神
通菩薩釋梵持世天龍鬼神同聲白
佛甚善如來快說是法吾等世尊在
所聚落國界縣邑有行是法當共躬
身營護斯輩其聞此者今无邪便吾

廣顯三昧經第四卷 第十七張 欲

等亦當受持是經使普流布而常元
斷佛歡慈氏軟首童子并眾菩薩曰
善哉諸族姓子卿等所言勸樂將來
諸學菩薩快甚乃尔佛說此已十方
來會神通菩薩七万二千億遠顯定
五万四千天龍鬼人皆發无上正真
道意五千人得生法眼阿耨達龍
王慈氏菩薩軟首童子一切菩薩賢
者阿難來會四輩及諸天龍種種鬼
神人與非人間佛說是莫不歡喜稽
首佛足各便而退

佛說弘道廣顯三昧經卷第四

王宣歲高麗國大藏都監奉
勅雕造

廣顯三昧經第四卷

第十八張

卷三

佛說施燈功德經

高齊天竺三藏都連提耶舍譯

欲

如是我聞一時佛在舍衛國祇樹給
孤獨園尔時世尊告舍利弗言舍利
弗佛有四種勝妙善法能令眾生得
元量果無量光明无量妙色无量福
藏無量樂藏元量戒定智慧解脫解
脫知見辯才之藏一切元著無漏之
法舍利弗何等為四一者謂如來應
正遍知得尸波羅蜜具元量戒二者
得禪波羅蜜具元量定三者得般若
波羅蜜具元量慧及廣智慧觀達慧
如性慧元數慧決定慧畢定知見四
者得無濁心善勝作心具妙解脫第
一解脫是為四種勝妙善法舍利弗
是佛如來應正遍知於一切惡皆悉
遠離一切善法皆悉成就象行備滿
具如寶見遠離闇冥能為光曜具足
無量福智資糧隱蔽世間不為世間
之所映奪獲得戒定智慧解脫解脫
知見具足十力四無所畏得一切諸
佛法力能具諸佛法力得具諸佛大

慈悲力及辯才力奉願方便皆悉滿
足善修本業具智慧寶精進元量終
不休息雖諸憂感元有逼惱元有取
著能善調伏為大龍王元有餘習為
一切眾生無上福田舍利弗若比丘
比丘尼沙彌沙彌尼優婆塞優婆夷
發清淨心為求福故為愛樂福故思念
如來无上方便奉行滿足盡未來際
一切生死於現在世成就元量無著
戒定智慧解脫解脫知見乃至念佛
一種功德念功德已於元量億那由
他百千劫中所習善根三明明福田
清淨戒所元等等戒所元量真實功
德所或於塔廟諸形像前而設供養
故奉施燈明乃至以少燈炷或蘇油
塗然持以奉施其明唯照道之一階
舍利弗如此福德非是一切聲聞緣
覺所能了知唯佛如來乃能知也舍
利弗求世報者福德尚尔何況以清
淨深樂心不求果報安住恭敬相續
无間念佛功德善男子善女人等所
生福德舍利弗照道一階福德尚尔
何況全照一階道也或二階道或二階

施燈功德經 第二張 欲